

A

achachay [ačačay, ačačaw, atsatsay] interj. *expresión de frío*. Yapa chiri kakpi rimay. Wawakunaka **achachay** nishpa chayamun. Sin. Chiri chiri.

achachaw [ačačaw, ačučuy] interj. amz. *expresión de calor*. Yapa rupay tiyakpi rimay. **achachaw**, mikunaka rupakmi kashka.

Sin. Araray, rupakuk.

achka [ačka, ačika, aška] adv. *bastante, harto, mucho*. Imatapash tawkata, tawka tiyakta, mana ashallata rikuchik.

Chakramantaka achka saratami pallarkani.

Sin. Ashtaka, hatunta, pachan, tawka, llashak.

achik [ačix, ačig, ači] s. *luz, claridad, claro*. Killamanta, intimanta, kuyllurmanta llukshik llipyarik; imatapash rikunkapak kak.

Tamya punchapika achikka mana rikurinchu.

achiklla [ačixlʷa] adj. *lúcido, claro, nítido*. Killamanta, intimanta, kuyllurmanta llukshik ancha llipyarik; imatapash rikunkapaklla kak. *Tamya punchaka mana achikllachu kan.*

Sin. chuya.

achikmama [ačikmama, ačimama] s. S. *madrina*. Wawa shutirikukpi markak warmi.

Achikmamaka achikwawamanka tantatami kamarin.

achikyana [ačixyana, ačigyana] v. *brillar*. Inti killa llukshimushpa punchayachimuna. *Killaka amsa tutapimi achikyachin.*

achikyaya [ačikyaya, ačiyaya] s. S. *padrino*. Wawata shutirikukpi markak kari.

Ñukaka, kay wawapa achikyayami kani.

achillik-yaya [ačililikyaya, ačilyaya, atsil-yaya] s. sn. *dios*. Runakunapa yuyaypi tukuyta ushak, tukuyta kuk.

Achillikiyayami yachaytaka ushachirka.

Sin. Apunchik, pachakamak, achiktayta, atsil, achillyaya.

achira [ačira, ačera, atsira] s. *achera*. Pashpashina raku muyu, allpa ukupi pukuk mishki mikuna

Asha kunuklla allpapimi achirataka tarpun.

achukcha [ačukča, ačugča, ačuxča] s. *achogcha*. Purutushina ankushpa pukuk, waylla muru, shunkupi yana muyuyuk, yanushpa mikuna yuyu.

Wasipika achukcha lukruta mikurkani.

achupalla [ačupalʷa, ačupaža, ačupilʷa] s.s. *achupalla*. Kashayuk panka, uchilla chawarshina, sunilla amuk pankayuk yura.

Allpa saywapimi achupalla yurataka tarpuni.

ahana [axana] v. ofender, insultar, denigrar. Pitapash piñachishpa rimana.

Yayaka yankamanta, wawatami ahan.

Sin. kamina, takurina.

akankaw [akangaw, akangu] s. amz. *variedad de pava*. Aw aw nishpa takik, yana patpayuk, puka kunka hatun pishku.

Akankaw pishkuka sachapimi kawsan.

akapana [akapana, xakapana] s. s. *remolino de viento*. Sinchi wayra tukuyta hatari-chishpa muyuk.

Wasi katataka akapanami aparka.

akapana [akapana] s. Júpiter. Intipa ayllupi tiyak rumpu.

akcha [akča, axča, agča] s. *pelo, cabello*. Runapa umamanta ñaño puchkashina wiñak.

Akcha rutuchishka kashpapash runallatakmi sakirin.

akcha shuwa [akča šuwa] s. s. *libélula, cortapelos*. Shuk chuya rikrayuk, yakupi armak chillikshina rikurik.

Akchashuwaka larkapimi tiyan.

Sin. chikaru.

akichana [ačičana, akičana] v. s. *cernir en harnero o en cedazo*. Achka hutkuyuk antapi imatapash shushuna.

¿Palanta hakutachu akichakunki?

Sin. Shushuna.

akirinri [axirinri, axiximbri, axikimbri] s. *jengibre*. Uchushina hayak, mishki ashnak, wiksa nanaypa, kunka nanaypa upyana hampi.

AKLLANA

Kunka nanakpika **akirinrita** timpuchishpa up-yarka.

akllana [aglʷana, agžana, aŋlʷana] v. *elegir, escoger, seleccionar*. Allita rikushpa hapina. Mamaka kamchankapakka raku saratami **akllan**.

aklluna [axlʷuna] v. *tartamudear*. Harkarishpa harkarishpa mana alli rimana, watarishpa rimana.

Manuel wawaka manchaymanta **akllurka**.

Sin. Harkarina, shimi-watarina.

akma [agma, akma] adj. sc. *Que no se cocina*. Wakin murukuna yanukpipash mana chayak, mana yanurik.

Akma papakunatalla yanushkanki.

2. *papas peladas que al no ser remojadas toman una coloración amarillenta*. Llushtishka kipa mana yakupi churakpi killuyashka papakuna.

Akma papataka pipash mana mikunchu.

Sin. 1 Llumi, kaluk.

aknina [agnina axnina, awnina] v. *eructar*. Mikushka, upyashka kipa shimimanta wayra llukshina.

Hayak aswata upyashpami payka **aknirka**.

2. *dudar*. Imatapash mana añishpashina, manashina yuyay charina.

Kushipata rimashkata achkatami **aknini**.

Sin. akitana.

aksu [axsu, aksu] s. *tipo de falda*. Anakushina, warmipa churana.

Sisa kuytsaka mushuk **aksutami** churakun.

Sin. anaku.

aktuna [axtuy] v. ss. *escupir*. Shimimanta tukata llukshichishpa shitana.

Yachana pachapika mana **aktunichu**.

Sin. Tukana.

akuna [akuy] v. sn. *masticar*. Mikunata kirukunawan kashtuna.

Hatunyayaka kamchata chayrak allimi **akurka**.

Sin. Kashtuna, kutarina, mukuna, kaskana.

akwa [akwa, axwa] s. amz. *árbol de canelo*. Mishkillash ashnak kaspi, sañu tullpuyuk kara yura.

Akwa karapa yakuta upyanaka allimi kan.

akwas [axwas, awas, axuwas] s. amz. *sarna*. Karapi llukshik unku.

Mapa allpawan pukllakpika **akwasmi** llukshin.

2. s. **pelusa**. Wakin kurukunapa, pankakunapa kashalla ñutu millma.

Kaspita llakllakpika **akwasmi** llukshin.

Sin. 1 Izi, shikshi.

ala [ala] s. amz. *hongo*. Sisashina, wanukunapi, ismu kaspikunapi wiñak. *Ismu kaspimanta mikuna alata apamuni*.

Sin. Kallampa.

alalay [alalay, alaw, alay, lay] interj. *expresión de temor, miedo o lástima*. Mancharishpa kapariy, rimay.

Wawaka machakuywan mancharishpa **alalay** nishpa kaparirka.

alama [alama, ala] s. amz. *Trato entre amigos y compañeros*. Antisuyu runakuna kari mashipura riksirinkapak rimay.

Ñukapa **alamaka** chuntata apamuni, nirka.

alapana [alapana, alazana, arapana] v. snc. *liar, rematar*. Sinchita watashka sakirichun nishpa maytapash kutin achkata piluna.

Palanta allita pukuchun nishpa **alaparkani**.

2. v. sc. *entretener*. Puchkakunata, ankukunata ashankata awankapakshina churana.

Warmipa akchata ama kacharishka kachun nishpa **alapakuni**.

3. v. *manera peculiar de pelear, especialmente las mujeres*. Warmipura makanakuna. Chay warmikuna **alapanakurka**.

Sin. 1-2 Chaknarina.

allawka [<*alʷawka] s. *lado derecho*. Lluki chimpapi kak manya.

Wakin runakunaka **allawka** makiwan sinchitami llamkan.

Sin. Paña, alli.

allana [alʷana, ažana] v. s. *sacar, excavar*. Imatapash surkunkapak, imatapash satinkapak allpata hutkuna.

Ukata, papatapash **allamuni**.

2. v. *Nivelar, igualar, aplanar*. Allpa kurpakunata hillaywan waktashpa pampayachina.

Wasita rurankapak yana allpata **allakuni**.

Sin. 2 Pampayachina.

alli [alʷi, aši, aži] adj. *bueno, bien*. Mana millary shunkuta charik, imatapash sumakmi kan ninkapak rimay.

*Wakin mishukunallami **alli** shunkuyuk kan.*

2. lado derecho. lluki manyapi tiyak.

*Wakinkunaka **alli** makiwan ñapash killkan.*

Sin. paña, allawka.

allichina [alʲčina, ažičina, aličina] v. *arreglar, componer, adornar, decorar, modificar, mejorar*. Mana alli kakta sumakyachina, wakllishkata alliman tikrachiy.

*Kay punkutami **allichirkani**.*

2. v. sn. *guardar, ahorrar, reservar*. Muru kakpi, kullki kakpi, churana kakpi, ima kakpi-pash wakaychina.

*Wiwata rantinkapak kullkita **allichikuni**.*

Sin. 1 sumakyachina.

allikana [alʲikana, ažikana, alikana] s. salud, bienestar. Mana unkuywan kana.

Allikanata charinkapakka alli mikunatami mikuna kanchik.

allilla [alʲilʲa, ažila] adv. *cuidadosamente, con cuidado, despacio*. Imatapash ama pakirichun, ama wakllirichun, ama piñarichun nishpa hawalla ruray.

*Mamaka shilata **allilla** apamunki, nirka.*

2. adv. bien. Imapash alli kak.

*Unkushkaka ñami **allilla** kan.*

Sin. 1 Allimanta.

allimanta [alʲimanta, alimanda] adv. *cuidadosamente, con cuidado, despacio, poco a poco*. Imatapash ama pakirichun, mana sinchita rurana.

*Mankataka **allimanta** apamunki.*

Sin. Allilla.

alliyana [alʲiyana, aliyana, ažiyana] v. *sanarse, curarse*. Unkushkamanta, chukririshkamanta hampirina.

Sin. Hampirina.

allku [alʲku, alku, ažu, ačku, ašku] s. *perro*. Runakunawan mashiyarishpa kawsak wiwa. *Wasita kamachun nishpa piñak **allkuta** charini.*

allpa [alʲpa, alpa, ažu, ačpa] s. tierra, polvo, terreno. Tukuy ñukanchikpa ñawipi rikurik pampakuna, allpapachapashmi kan.

*Tawka wakchami mana **allpata** charinchu.*

2. adj. *silvestre*. Mana tarpushka yurakuna.

*Irki **allpa** kashpami mana alli pukuchin.*

Sin. 2 Sacha.

allpaka [alʲpaka] s. alpaca, camélido an-

dino. Puna suyupi kawsak, llamashina wiwa.

Allpaka millmaka awankapakmi allipacha kan.

allpamama [alʲpamama, alpamama] s. lugar donde se vive, la tierra. Maypi kawsanchik

Allpamamapi tukuy muyuta tarpunchik.

allu [alʲu] adj. amz. *moho*. Rupashka kaspi-kunapi, sara kuruntakunapi wiñak, puka uch-pashina.

*Rupashka yantapika **allumi** rikurin.*

2. s. amz. *chicha de yuca asada*. Kusashka lumukunamanta rurashka aswa.

Alluta rurankapak lumuta kusakuni.

Sin. Pula.

almayari [almayari] s. amz. *tejido de hojas de palmera*. Wasita kumpankapak chilli pankamanta, chinchá pankamanta, shiwa pankamantapash awashka.

*Mushuk wasitaka **almayariwan** katak rinchik.*

ama [ama] adv. *no*. Ima rurashkata hankapapak, sakichinkapak rimay.

*Wasimanka **ama** rinkichu.*

amakulu [amagulu, amalu] s. sn. *inflamación de ganglios*. Runapa kunkapi shuk rum-pashina, punkirishpa llukshirik.

*Juana warmika **amakulu** unkuyta charin.*

amallatak [amalʲatak] adv. sn. *ni dios quiera*. Mana munashka ama paktachun.

Amallatak yachashkata kunkarinkichu.

Sin. amatak.

amankay [amankay, amankaya] s. lirio, azucena. Shuk sisa ayllu.

Amankay sisaka pampapi wiñan.

amapash [amapaš, amapiš] adv. *aunque no*. Ama nikpipash imatapash ruray.

*Paykuna **amapash** shamukpi ñuka rirkani.*

amarak [amarak, amara] adv. s. *todavía*. Imapash chayrak ama rurarichun nishpa har-kay.

*Hampishka kashpaka **amarak** kanchaman llukshinachu.*

Sin. Chayrak ama, manarak.

amaru [amaru, amaru] s. *boa*. Tukuy machakuyamanta ashtawan yalli suni, runata, wi-watapash mikuklla, yakupipash sachapipash kawsak.

*Ñukapa allkuta kunan puncha shuk **amaru***

AMATAK

mikurka.

amatak [amatak] adv. sn. *ni dios quiera*. Mana munashka ama paktachun.

Amatak *yachashkata kunkarinkichu*.

Sin. amallatak.

amawta [amauta, amawtax] s. *sabio, científico del incario*. Inkakuna kawsashka pachapi yuyaysapa runa, yalli yachak runa. *Tawantin suyupika achka amawtami kawsarka*.

Sin. Yachak.

aminta [amiŋda] adj. sn. *insípido*. Kachita, mishkita mana charik mikunakuna.

¿*Rosaka aminta mikunatachu yanukun?*

2. *apático, sin gracia*. Shuk killasiki, imata-pash mana rimayta, rurayta munak runa.

Chay runaka amintami tukurka.

Sin. 1, 2 chamuk, upa, chamcha, hamlla, chama, hamun, ñukñu.

amina [amina] v. *hastiar, empalagar, hartar*. Ima mikunamanta, shukkunamantapash shaykuna.

Payka aswa upyanataka mana amirkachu.

ampana [aŋpana, ampana] v. s. *bostezar*. *Puñunayakpi shimita paskana*.

Wawaka yarkaymanta amparka.

Sin. Haynalliy.

ampuku [aŋbuku] interj. *expresión que denota ironía (no friegues)*. Pipash watukashpa **asikpi yankami niwanki ninkapak rimay**. **Pay ñukata asikpimi ampuku nirkani**.

amsa [amsa, aŋsa] adj. sc, amz. *oscuro, tiniebla, crepúsculo*. Yana tutashina.

Amsa *kakpika ama llukshinkichu*.

Sin. llantu.

amullina [amuɫina, amužina, amulina] v. *engullir; traer algo en la boca*. Mikunata shimi ukuman kachana.

Amuklla sara kamchata amullini.

ana [ana] s. *lunar*. Shuk aycha murushina, aycha karapi wiñak.

Kari wawapa rikrapi ana wiñakun.

anak [anak] adj. *duro*. Imapash sinchi kak. *Kay rumika anakmi kan*.

Sin. Sinchi.

anaku [anaku] s. *saya, falda*. Warmikuna chumpiwan wiksapi watarishpa churarina pachashina.

Hatunmamaka llama millma anakuta churarin.

Sin. aksu.

ananas [ananas, anunas] s. amz. *fruta similar a la chirimoya*. Killu pukuk, mishki yurak mikunayuk muyu.

Ananas *muyuta paktanarayku yuramanta urmarkani*.

anchayana [aŋchayana] v. s. *empeorarse, agravarse en una enfermedad*. Kari, warmi, ima kashpash ashtawan unkurishpa katina.

Sisaka uhu unkuywanmi anchayakun.

Sin. Kutiparina, tukurina, ayatukuy, kalakyay.

anchuchina [aŋčučina] v. *quitar, mermar*. Ima harkakunatapash shuktak kuskaman churana.

Antawa purichun ñanmanta rumita anchuchirkani.

2. *restar*. Achkamanta mashnatapash kichushka kipa mashna puchushkata yachana.

Yalli kuykuna mirakpi katushpa anchuchini.

3. s. *resta*. Achkamanta mashna puchushkata yupaykunawan yachay.

Kunanka anchuchiykunataka ñami yachakunchik.

Sin. suchuchina.

anchurina [aŋčuna] v. *retirarse, apartarse, quitarse*. Maykanpash shukman rina.

Ñami wakraka ñanmanta anchurikun.

Sin. Kichurina, shuchurina, karuyarina.

anka [aŋga] s. *ave de rapiña, águila*. Chuchita, urpita mikuk pawak hatun pishku.

Sisapa chuchita anka mikun.

ankara [angara] s. sn. *recipiente grande de mate*. Yapa hatun pillchi.

¿*Ankarapichu mutita, challwantin hapirkanki?*

2. adj. *excesivamente ancho*. Imakunatapash yapa patak kak.

Ankara *muchikutami rantipashkanki*.

ankas [angas, aŋgaš] adj. *azul*. Hawapachashina rikurik tullpu.

Ñukanchikka ankas muchikutami charinchik.

2. adj. amz. *pintón*. Manarak pukushka muyukuna.

Kay pakayka chayrak ankasmi rikurin.

anku [anɣu] s. *vena, arteria; raíz*. Aycha ukupi yawarta tukuy aychaman pushak waskashina.

Ñukapa ankupika mapa yawarmi huntashka.
2. s. *guía de una planta o del bejuco*. Yurakunapi, kiwakunapi llullu waskashina llukshik. *Sampu ankutaka ama pitinkichu.*

3. s. *hojas delgadas de cabuya seca*. Chawar kiru sikipi wiñak pankakuna. *Chawar ankuwanmi waskata rurakuni.*

4. s. amz. *tipo de bejuco*. Sachapi hatun yurakunapi kipiriyak waskashina.

Patas yurapi ankukuna huntashka.

Sin. 1sapi.

ankulla [anɣulʷa, anɣuʒa, angura] adj. *cauchoso; enserenado*. Kanchapi pakarichikpi asha llampuyashka.

Kay ukshaka ankulla pakarishka.

2. adj. *medio mojado*. Manarak alli chakirishka takshashkakuna.

Ankulla kaspika mana rupanchu.

ankuyana [anɣuyana] v. *marchitarse, secarse*. Yaku illakpi, llantu illakpi yurakuna tarpushka chakiriy kallarina.

Yalli usyay kakpi chakra ankuyashka.

Sin. Wañuyana, chakiyana, urmayana.

ansa [aɲsa] det. sc. amz. *poco*. Ashalla, mana achka.

Ansa allpata charini.

Sin. asha.

anta [aɲta] s. *cobre, meta; fierrol*. Mankata, achik ankukunata, shukkunatapash rurana puka tullpuyuk rumishina.

Anta waskaka sinchimi kan.

antawa [aɲtawa, antawiwa] s. *carro, vehiculo*. Antamanta rurashka, pirurushina chusku chakiyuk, runata, kipita aparik.

Tukuykuna antawapi shamunchik.

Sin. Anta-chuna.

anti [aɲti, andi] s. *región oriental; oriente, este*. Inti llukshina.

Intika antitami llukshin.

Anti suyu [aɲtisuyu] s. *región oriental del Tawantin suyu*. Intiakunapa pachapi inti llukshina Cuzco llaktaman sakirik suyu.

Kanka Antisuyu markamantami kanki.

Sin. inti suyu, sachu suyu.

antuchi [aɲduçi] s. amz., ss. *chicha tierna*.

Llullu aswa.

Llullu antunchita upyashpa unkushka kani.

2. *chicha de maiz tierno*. Chukllu sarata alluwan kimsa punchapi apiyachishka washa rurashka aswa.

Yakunayaywan kani, atunchita karaway.

Sin. 1, 2 Kushuk, tikti.

añanku [aɲangu, aɲingu] s. *hormiga*. Usashina rumi ukupi, yurapi kawsak puka, yana uchilla wiwa.

Runakunaka añankushinami tantanakunchik.

añañay [aɲaɲay, ananay, añañaw, ananaw] interj. s. *expresión para referirse a algo hermoso*. Imakunapash kuyaylla rikurik, sumak rikurik.

Anti suyu kuytsaka añañaymi karka.

añas [aɲas, aɲangu, aɲingu] s. *zorrillo*. Ashnak aychayuk uchilla allkushina allpata allankapak tuta llukshirik.

Kay tuta añas ukata allashka.

apachi [apaçi] s. *carga, maleta*. Hatun kipi. *Kay apachitaka yachakuk churimanmi kachakuni.*

apachina [apačina] v. *hacer cargar*. Imakunatapash washapi churana.

Kurika yantatami wiwaman apachin.

apamama [apamama, apama] adj. s. *vieja; abuela*. Achka watayuk apa warmikunata ninkapak shimi.

Apamama warmikunaka *ninan yachakku-nami kan.*

Sin. Paya.

apamuna [apamuna] v. *traer*. Imatapash karumanta paktachimuna.

Juan mashika wakrata ¿ñachu apamurka?

apankura [apaɲgura] s. amz. *cangrejo*. Chunka chakiyuk, ñawpaman washaman, alliman llukiman purik, yaku rumi ukupi kawsak wiwa.

Apankurata yakupi mashkakuni.

apapa [apapa] s. amz. *búho negro de pecho amarillento*. Uchpa tullpu millmayuk tutapi tun tun rikrata uyachik pishku.

Wawaka apapa wakakpilla ña mancharin.

Sin. Kukupa.

aparina [aparina] s. *manta para cargar*. Wawakunata, imatapash washapi churashpa shuk pachawan pilluriy.

APARINA

Kay **aparinawan** wawata pachallichini.

Sin. pintu.

aparina [aparina] v. cargar. Imatapash waskawan watashpa washapi churay.

Palantawan ashankataka llashak kakkimi mana aparirkani.

2. cargar frutos el árbol. Ima yurakunapash muyuyuk tukuk.

Shañu yuraka ñami aparishka.

apay [apay] s. *paquete, bulto*. Imapash kuspashka allita watashpa maymanpash kachanalla.

Kay apayta Quito llaktaman kachasha nini.

Sin. Kipi, kipishka, watashka, maytushka.

apana [apana] v. *llevar*. Imapash kaymanta maymanpash yallichina.

Kay kamuta yachanawasiman apakunchik.

api [api] s. *mazamorra, colada, sopa*. Kutakunata yakuwan chakrushpa yanushka mikuna.

Waña apita mashaman kararkani.

2. adj. suave. Imakunapash mana sinchi kak.

Api palantata apamunchik.

3. adj. amz, sc. Débil. Mana sinchi aychayuk runakuna.

Api kashkamanta payka mana yachankapak rirka.

Sin. *1katu; 2 ñutu, sampa, llampu; 3 irki, kalak.*

apichu [apiču] s. camote. Papashina allpa ukupi pukuk.

Apichutaka ñuñuntin mikunchik.

Sin. kumal.

apiw [apiw, apyu, abiu] s. *caballo*. Ushkuta ashtawan yalli hatun wiwa, imatapash aparinkapak alli.

Runa llaktakunapika ashtawan apiwkunami raymipak mutsurin.

Sin. *Hatun paku.*

apiyana [apiyana] v. *suavizarse*. Muyukunata, ima murutapash yanukpi amukyana.

Mutika yanukupillatak apiyarka.

Sin. Kapiyana.

apu [apu, apux, apug, apuk] s. *jefe, soberano, autoridad*. Hatun tantanakuypi runakunata pushachun shutichishka runa.

Apu pushakta akllayman rini.

Sin. Kuraka, pushak, apak.

apu [apu] s. amz. *tipo de insecto*. Uchilla chillikshina, hapikpi ashnak wiwa.

Apu kuruta hapishka makiwan hilluta hapini.

Sin. Manchu.

apunchik [apunčik, apunči] s. *nuestro dios; Jesús*. Pachakamak kachashka, chaka-tapi wañushka runa.

Íñik runakunaka apunchiktami kuyan.

Sin. Achillikyaya.

apunchik-wasi [apunčik wasi] s. *iglesia, templo*. Pachakamakta willankapak, mañankapak rurashka wasi.

Íñikkunaka punchantami apunchikwasiman rin.

Apya yala [apya yala] s. *continente americano*. Aztecakuna, mayakuna, chibchakuna, inkakuna kawsashka hatunllakta.

Apya yalapika achka chikan runami kawsan. Sin. Pantinsaya.

ara [ara] s. *Tipo de piedra; mineral*. Allpa ukupi tiyak rumi.

Chay urkupika kuri ara rumimi kaman.

araray [araray, araw, aRaRay] interj. s. *expresión de calor o quemante*. Yapa rupaymi ninkapak rimay.

Rumiñawi wawaka chakipi rupak mikuna urmakpika araray nirka.

Sin. achachaw.

araw [araw] s. amz. *variedad de lora*. Waylla patpayuk, rimayta yachapayak, uma chawpipi killu patpayuk, araw araw kaparik hatun pishku.

Kanka çillulu arawtachu hapirkanki?

arawi [arawi, xarawi] s. *poesía de la literatura kichwa*. Sumakyachishka rimaykuna.

Runa ayllukunaka may sumak arawikunatami charinchik.

arawikuk [arawik, arawikuk] adj. *poeta*. Allichishka rimayta rimak, killkak runa.

Arawikukka wawakunata kusichinmi.

ari [ari] adv. *si*. Munanimi ninkapak rimay.

Ari, kayami yanapankapak shamusha yuyani.

arina [arina] v. *estrenar; impermeabilizar*. Mushukta imatapash yachachina.

Mushuk mankata arikuni.